

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 87. sjednici, održanoj dana 10.12.2020. godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline, broj:12-30-16930-5-3/20 od 03.12.2020. godine, dato po prijedlogu Stručne službe Općinskog vijeća Zavidovići za Program rada Skupštine Zeničko-dobojskog kantona za 2021. godinu.

II.

Zaključak sa Mišljenjem iz tačke I. dostavlja se Kolegiju Skupštine Zeničko-dobojskog kantona.

III.

Zaključak stupa na snagu danom donošenja.

PREMIJER

po Odluci predsjedavajućeg Skupštine

Mirnes Bašić

Broj: 02- /20

Datum, 10.12.2020. godine

Zenica

DOSTAVLJENO:

1x Ministarstvo za prostorno uređenje,
 promet i komunikacije i zaštitu okoline,
1x Stručna služba Skupštine,
1x Stručna služba Općinskog vijeća Zavidovići,
 putem Ministarstva,
1x a/a.



Broj:12-30-16930-5-3/20
Zenica, 03.12.2020.godine

U skladu sa odredbama Poslovnika o radu Vlade Zeničko-dobojskog kantona («Službene novine Zeničko-dobojskog kantona», broj:5/11) i aktom Vlade Zeničko-dobojskog kantona broj:02-1-30-16930-5-3/20 od 18.11.2020.godine Ministarstvo za prostorno uređenje, promet i komunikacije i zaštitu okoline Zeničko-dobojskog kantona, daje sljedeće:

MIŠLJENJE

Stručna služba Općinskog vijeća Zavidovići aktom broj:01-04-2921/20-AP-3 od 11.11.2020.godine dostavila je Stručnoj službi Skupštine Zeničko-dobojskog kantona prijedlog Stručne službe Općinskog načelnika Zavidovići broj:02-45-4/20-AP-27 od 29.10.2020.godine, za Program rada Skupštine Zeničko-dobojskog kantona, kojim se predlaže da se u Program rada Skupštine uvrsti Zakon o izmjenama i dopunama Zakona o prostornom uređenju i građenju („Službene novine Zeničko-dobojskog kantona”, broj:1/14 i 4/16), odnosno izmjene i dopune člana 149. navedenog Zakona na način da se propišu druge vrste stručne spreme i uslovi za postavljanje na radnom mjestu urbanističko-građevinskog inspektora.

U vezi sa navedenim prijedlogom Ministarstvo za prostorno uređenje, promet i komunikacije i zaštitu okoline Zeničko-dobojskog kantona, izjašnjava se kako slijedi:

- Zakon o inspekcijama F BiH (“Službene novine F BiH”, broj:73/14 i 19/17) u članu 33. propisuje uslove za obavljanje inspeksijskih poslova prema kojima Inspeksijske poslove može obavljati lice koje ima visoku stručnu spremu odgovarajućeg smjera, položen stručni ispit predviđen za državne službenike za rad u organima uprave u F BiH, najmanje 3 odnosno 5 godina radnog iskustva nakon završene visoke školske spreme kao i druge posebne uslove ako je to propisano posebnim propisom za određenu upravnu oblast.
- Zakonom o prostornom planiranju i korištenju zemljišta na nivou F BiH (“Službene novine F BiH”; broj:2/06) u članu 88. propisano je da se za federalnog urbanističkog inspektora može postaviti diplomirani inženjer arhitekture ili građevine sa položenim stručnim ispitom i sa 10 godina radnog iskustva na poslovima prostornog i urbanističkog planiranja ili poslovima provođenja planskih dokumenata.
- Zakonom o inspekcijama Zeničko-dobojskog kantona (“Službene novine Zeničko-dobojskog kantona”, broj:6/11) u članu 22. propisano je da se posebni uslovi za poslove inspektora utvrđuju Pravilnikom o unutrašnjoj organizaciji i sistematizaciji radnih mjesta Kantonalne uprave u skladu sa propisima koji regulišu inspeksijski nadzor u određenoj oblasti.

Imajući u vidu odredbe citiranog federalnog Zakona o prostornom planiranju i korištenju zemljišta na nivou F BiH, kao posebnog propisa, prema kojem se za urbanističkog inspektora može postaviti samo dipl.ing.arhitekture ili građevine, prilikom izrade i donošenja Zakona o prostornom uređenju i građenju ZDK, usklađene su odredbe koje se odnose na posebne uslove koje mora ispunjavati kantonalni /općinski urbanističko-građevinski inspektor u pogledu propisane stručne spreme sa navedenim federalnim propisom.

Zbog navedenog smatramo da prijedlog Stručne službe općinskog vijeća načelnika Zavidovići da se u

Program rada Skupštine Zeničko-dobojskog kantona za 2021.godinu uvrsti Zakon o izmjenama i dopunama Zakona o prostornom uređenju i građenju, nije osnovan.

Obrađivač:

Nada Mišić,dipl.pravnik

MINISTAR

Arnel Isak